

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq
Medlem af Naalakkersuisut for Kultur, Uddannelse, Forskning og Kirke

Inatsisartunut ilaasortaq
Justus Hansen



Demokraterne

§36 apeqqummut akissut kinguaassiuutitigut atornerlunneqartarneq pillugu atuartitsinerneq tunngasoq.

18. november 2009
Sags nr.2007-003194
Dok.nr. 266247

Postboks 1029
3900 Nuuk
Tlf: +299 345000
Fax: +299 322073
Email: kiiip@gh.gl

Naalakkersuisut qutsavigerusuppaat Inatsisartunut ilaasortaq Justus Hansen, Demokraatit, kinguaassiuutitigut atornerluisarneq pillugu paaqqinnittarfinni meeqqallu atuarkianni pinngitsoorani atuartitsisarnissamik apeqqutaanut.

Apeqqummut uunga akissut: " Meeqquerivinni meeqqallu atuarkianni kinguaassiuutitigut atornerlunneqartarnerup aalajangersimasumik ilinniartitsissutigineqartalernissaanut Naalakkersuisut qanoq isumaqarpat, taamaaliornikkut meeqqat ilisimaarilissammassuk, qanoq iliorunik meeralerisartut mittatilliisarnerat pinngitsoortissinnaanerlugu?"

Soorlu apeqquteqartup nammineq oqaatigigaa ullumikkut kinguaassiuutitigut atornerluisarneq pillugu atuartitsineq ingerlanneqarpoq inuttut inerikkiartornermi atuartitsissutissat aqutugalugit. Atuartitsissutissatut siunertani "Asanninnermi, isumaginninnermi kinguaassiuutinullu tunngasuni" atuartitsissutissatut siunertani immikkoortuni allaqqapput atuartut atuartitsereernerup kingorna naammassisassaat:

- Inersimasut meeqqallu annerit kinguaassiuutit tungaasigut meeqqanut imminut killilersinnaangitsunik naapitassaqqartoq ilisimassagaat.
- Misigisat nuanniitsut pisullu ulorianartut ingalassimaniarsinnaassagaat.
- Kinguaassiuutitigut atornerlugaanermik misigisaqarsimagunik imaluunniit taamaattoqarsimaneranik pasitsaasaqarsimagunik sumut saaffiginninnissartik, ikiortissarsiornissartik tapersorsorneqarnissartillu ujartussallugu ilikkarsimassagaat.

Atuartitsissutissatut nukarlernut atuuttuni atuartitsissutissatut siunnersuutit atuupput, atorneqarsinnaasut atuartitsissutissatut siunertat anguniarlugit. Inerisaaviup nittartagaani siunnersuutit taakku sukumiinerusumik misissor-neqarsinnaapput "Saqqummersitat" ataanni, taassumalu ataani "Atuartitsis-sutissat, nukarlernut". Kiisalu atorneqarpoq meeqqat atuarfianni atuartitsi-nermi periaaseq taaneqartoq "Alloriarfimmiit alloriarfimmu", atuartut inooqataanermi piginnaasaqarnerannik ineriartornermik imaqartoq.

Naalakkersuisut naliliipput – mianersortunnguamik – nukarlernut atuartitsis-sutissatut siunertanik taakkuninnga atuartitsisoqarsinnaasoq. Tassani assor-suaq pingaaruteqarpoq ilinniartitsisup eqqarsaatigissagaa atuartut nukarli-usut sunneruminartullu sammigamigit; mianerinninngitsumimmi tamanna qulequtaq sammigaanni atuartut ataasiakkaat paasisaqarnerminnit tupassuti-ginerusinnaavaat.

Meeqqat suli atualersimanngitsut pisunut tigussaangitsunut isummernissa-minnut silatussuseq oqaatsillu atorlugit piareersimasarnerat qaqutigoorpoq, tassa pisut tigussanngippata maannakkorpiarlu pisuunngippata. Taamaattu-mik Naalakkersuisut naliliipput kinguaassiuutitigut atorerluisarneq pillugu 3-6-nik ukiulinnut atuartitsinissaq taakkununnga iluaqataanermiit ajoqusii-nerussasoq.

Inersimasut suli akisussaaffiguassavaat kinguaassiuutitigut atorerlun-neqannginnissamut meeqqat illersussallugit. Taamaattumik paaqqinnittarfin-ni pinngitsoorani atuartitsisarnissaq Naalakkersuisut akuersaarsinnaann-gilaat, tassa meeqqat 3-6-nik ukiullit meeqqanik kinguaassiuutitigut atoqa-teqarusunnermik noqissinnaanngitsut pinngitsuussallugit taakkununnga suli-assiissutissanngortissallugu kissaataanngimmat.

Inussiarnersumik inuulluaqqusillunga

Mimi Karlsen